



Tir Yimyim

www.tiryimyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimyim@gmail.com

TAPAK 3

Yangia anidakangma :



Tir Yimyim



tir_yimyim



tir yimyim

TAPAK 8

Bill agizüksü atema Judiciary-i mapang agütsütsü makok

French Open nung Rafael Nadal tushitsü



VOL. XXII ISSUE NO. 184 (ADOK 184)

DIMAPUR

ROGONÜ (FRIDAY)

RONGCHII (APRIL) 18, 2025

₹ 5.00

GOOD FRIDAY SODI

Alima meimchirtem temenen nungi kümzüksü asoshi Yisu Khrista asüba anogo bilemteta amongba 'Good Friday' anogo nung sarasadema amongtsü asoshi Tir Yimyim office tanü April 18, 2025 nü shibanger, anungji April 19, 2025 Tir Yimyim adok malitsü.

- Ketdangsür, Tir Yimyim.

NFHRCC-i Longleng Division semdang

Dimapur, Rongchii/April 17 (TYO): Nagaland Foothills Road Coordination Committee (NFHRCC) den department, Contractor Firm aser Phom People's Council (PPC) nungi ketdangsür tem lungjemer April 17, 2025 nü Longleng Sector nung Foothills lenmang yanglua aliba semdanga liasü.

Iba sülen Namsang Area nung village councils aser anasa Anaki Village Council densema senden ka Yonglok village nung mena liasü.

Iba Nagaland Foothills Road bongmang ka ama aliba asangsang kumdaksüba nung iba zone nung aliba nübu ajungai NFHRCC inyakyim bhukumba

lemsatepa liasü.

Ano Nagaland Chief Minister Nephü Rio aser Minister, PWD (R&B), G. Kaito Aye na lenisüba nung Naga nunger kin 12-i jangraba ama 2013 küm nungi NFHRCC ajanga inyakba maparen asangsang kumdaksüba atema nüburtemi pelaba lemsatepa liasü aser iba sülen ano mapang shidak nung ochishia iba lenmang phase tanabuba inyaksü teimla lemsatep.

Iba joint inspections team yagi Longleng Division nung lenmang shilem 60 renemogo ta kuli agütsü aser department dang mapa yari sen agütsütsü junger ta ashi.

International University yagi tamangba yimsü ka kisüng atema meinyaker

Dimapur, Rongchii/April 17 (TYO): International University, Dimapur ajanga par indang Central Library nem Dr. Keshav Baliram Hedgewar tenüng jaloktsütsü telemtetba agiba asoshi Nagaland Pradesh Congress Committee (NPCC)-i osangkaket nung aitsüba atema iba University ajanga telangzüba agütsü.

Pro Chancellor Dr. Utkarsh Sharma ajanga sangdong ka nung ashiba agi, iba University ya Hindutva indang ideology den sendaktepa mali.

Onoki management, fashion design, naturopathy, medical laboratory technology, radiology and imaging technology, physiotherapy, aser danga allied paramedical sciences amala disciplines balala nungi Nagaland nung aliba lanur nem skill-based, employment-oriented programmes agütsütsü tangatetba nung lir, ta ashi.

Central Library amenokba asoshi NPCC ajanga tenüngsang agütsüba atema pelar, saka iba University yagi tamangba yimsü tejangja ka kisüng ajungkettsü memeranger, ta Pro Chancellor-i ashi.

Onoki tamangba yimsü balala bhukumer aser iba kuliji Founder Chancellor, Dr. Priyaranjan Trivedi inyakyim nung angur, shibai Encyclopedia of Interfaith Studies volume 10 zülua lir.

Taoba mapang Dr. Trivedi-i Arunachal Pradesh nung Indira

Gandhi Technological and Medical Sciences University amenok, koba pai taoba ato kilonser Indira Gandhi dak saklokba aser akumtsüboba temaitsü lir. Central Library nem shisashir Dr. Hedgewar tenüng jaloktsüba ya tamangba yimsü mesüra tesayuba nung ajemdaker inyakba masü, ta sangdong ajanga ashi.

University-i ano tarutsü nung Nagaland nungi nüchiso asoshi raratem tushia departments aser academic blocks nem par tenüng agütsütsü sentong lir. 'Regional scholarship' aser 'cultural inclusivity' asoshi inyakba den peta University yagi Christianity in Nagaland indang Encyclopedia Volume 20 renemba mapang ka nung lir.

Yangji Volume 1: Origins and Arrival of Christianity in Nagaland; Volume 2: Tribal Contexts and the Gospel Encounter in Nagaland ; Volume 3: Bible Translation and Linguistic Impact in Nagaland ; Volume 4: The Role of Missionaries in Nagaland: Foreign and Indigenous; Volume 5: Theological Developments and Doctrinal Trends in Nagaland; Volume 6: Denominational Landscapes in Nagaland; Volume 7: Church Architecture, Symbols, and Sacred Spaces in Nagaland; Volume 8: Worship, Music, and Liturgical Practices in Nagaland; (Maneni tapak 8 nung...)

Sakra World Hospital aser NHPS tsüngta MoU zülutep

Dimapur, Rongchii/April 17 (TYO): India nung mezüngbuba noklang shilem FDI mozüki, Sakra World Hospital, Bengaluru ajanga Nagaland Health Protection Society (NHPS) den Memorandum of Understanding (MoU) ka zülutepogo.

Ibai Chief Minister Health Insurance Scheme (CMHIS-EP) kübok Nagaland nung sorkar mapa inyaker, pensioner aser lisopur mesüra Permanent Residents nem medical services tajungba nung agütsütsü mechi zülutepba alitsü.

Sakra World Hospital ya Empanelled Health Care Provider (EHCP) ka asünung iba scheme nungi teyari agir nem advanced medical care aser specialized treatments agütsütsü. Aser CMHIS-EP kübok temsüa aliba nisungtem nem healthcare tajung aser jenjang talang yong agütsütsü asoshi ibai tongtipang mera ka lir.

Sakra World Hospital yagi high-end diagnostics, advanced surgical procedures, aser multidisciplinary clinical expertise densema medical

services tabu balala agütsütsü. Tongtipangsa scheme beneficiaries tem senotsü tsütsü timtem makai tajungtiba nung temang anepalutsü.

"Sakra yagi Nagaland nung aliba nüburtem nem technology tsütsü advanced care agütsütsü aser CMHIS-EP ajanga mapang shidak nung tajungtiba agi anepalutsü," ta Yuichi Nagano, Managing Director, Sakra World Hospital, Bengaluru ajanga ashi.

"Iba tezüngzüktep ya sustainable healthcare aser medical care tajung agütsütsü asoshi mera tilaka lir," ta Naoya Matsumi, Deputy Managing Director, Sakra World Hospital, Bengaluru ajanga ashi.

Sakra World Hospital, Bengaluru nung Group COO, Lovekesh Phasu-i ashiba agi, "Iba inyakyim nung shilem agitetsüsa maongka anguba atema onok kanga pelar, koba ajak nem quality tajung healthcare agütsütsü ozü mangdang den indangteper. Iba empanelment ajanga onoki beneficiaries nem specialized care aser advanced

medical treatments agütsütsü nükjidong lir. Rongsenketzüng nung timtema alirtem nema jenjang talang agi temang anepalutsü onoki nükjidong lir."

Sakra World Hospital ya India nung mezüngbuba multinational corporation (MNC) aser 100% FDI hospital lir, aser ibai Japan nunger company, koba Secom and Toyota Tsusho corporation ajanga anepalur.

Iba hospital ya Bengaluru, Karnataka nung Outer Ring Road nung aliba Marathahalli nung amenoka lir. Sakra World Hospital ya 350-bed hospital ka lir, koba ajanga emergency, trauma care, Cardiac sciences, digestive and hepatobiliary sciences, Renal science, Rehabilitation, orthopedics, tetsür aser tanur indang health aser neurosciences densema tashidak balala anepalur.

Yangji integrated modular operation theaters (OTs) 15 lir, kong surgical cameras, periphery cameras, MIS cameras densema sources balala nungi video input amshir.

India-i Naga nunger tepang nembangba anentsüla: NSCN/GPRN

Dimapur, Rongchii/April 17 (TYO): India nunger immigration ketdangsür temi Naga People's Movement for Human Rights (NPMHR) indang secretary general Neingulo Krome senzusempongba nung tenokdangba agütsüba ajanga India-i Naga nunger lisopur Asia nung danga lisopur den sensaksemsü asoshi India alema aoba nung tenük yokba maneni temai adoka sayur, ta NSCN/GPRN sangdong ka ajanga ashi.

Sorkar tashi amshirtemi Naga nunger human rights nung maneni aibeleni teti tetsükdaktsü ajuruba asangsangji ibai lir. Government of India-i Naga nunger pei puti otsü aser yimten ayak temeja indang shidak alima dang sangdongba anendaktsütsü aser soita ayutsü merangba ya

tang tasen masü, ta ashi.

India ya alima nung democracy tulutiba ta jembir, saka democracy meshidak nung nokdaka aliba jangjaogo. Anungji tanübo India ya alima nung democracy tulutiba masü, ta sangdong ajanga ashi.

Government of India aser National Socialist Council of Nagalim (NSCN) tsüngta August 3, 2015 nung zülutepba Framework Agreement alima nem metetdaktsütsü kechiba India-i yamai tsübor, ta Naga nunger mulungjangi tasüngdangba arur. Alimai yimya shidak nungi metettsüla ta iba agreement nung 'high political profile' agütsüba sülen India sorkari jangraba ama iba agreement ya alima social media sapang tem nung inoka lir, ta ashi.

Naga nunger puti otsü aser yimten temeden jangjatetba Naga nunger temeden nung tetsükdaktsü ka ama nokdaker Naga nunger lisopur indang yimten ken o nung India-i mashi lenmang nungi asayaba nung tali ranglokba anentsüla, ta NSCN/GPRN ajanga ashi.

Naga nunger atema kisüng masü saka northeast ajunga atema tetetzü tajung akaba socio-political peace amenoktsü asoshi India-i August 3, 2015 nü zülutepba Framework Agreement melenshitsü bilemba anentsüla.

Neingulo Krome den National Socialist Council of Nagalim (NSCN) nokdaka lir aser India sorkari Neingulo Krome dak tenük yokba aitsür, ta sangdong ajangasa ashi.

NHPS ajanga CMHIS aser AB PM-JAY atema metetdaktsür

Dimapur, Rongchii/April 17 (TYO): Chief Minister Health Insurance Scheme (CMHIS) aser Ayushman Bharat Pradhan Mantri Jan Arogya Yojana (AB PM-JAY) kübok cashless healthcare services nung khen atema timtem ajurua aliba dak sendakba nung Nagaland Health Protection Society (NHPS) ajanga sangdong ka agütsü.

NHPS sangdong ajanga ashiba agi, CMHIS aser AB PM-JAY kübok cashless healthcare services ya Nagaland state

telungzük nung aliba Government Hospitals ajunga, Christian Institute of Health Sciences and Research (CIHSR), Dimapur, Nagaland alema orr CMHIS aser AB PM-JAY kübok empanelled süa aliba mozüki ajunga nung maneni agütsütsü, anungji beneficiaries temi khen atema item facilities nungi iba cashless service agia atatsü ayongzüker, ta ashi.

Timtem ajuruba atema kanga sasar aser tekeratiba nung insurance agütsür den ken o

bentettsü asoshi agitar, ta NHPS sangdong ajanga ashi.

State telungzük nung empanelled Government hospitals aser state alema oa empanelled hospitals tem metettsü asoshi beneficiaries temi https://cmhis.nagaland.gov.in/hospitals nung reprangtsü akok.

Iba dak tali osang tejangjaba metetner temi NHPS Toll-Free Helpline number 1800-202-3380 ajanga jembitettsü mesüra WhatsApp sütettsü, ta sangdong ajanga ashi.

TaFMA-i CCFC Noklak nem musical instruments agütsü



TaFMA chairman Theja Meru-i CCFC Noklak nem kentendang amshiba oset agütsü dang tangokba noksa nung angur.

Kohima, Rongchii/April 17 (TYO): "Music4All" sentong nung shilem ka ama Task Force for Music & Arts (TaFMA), Government of Nagaland ajanga The Miraculum Society Nagaland- Creative Children's Friendship Centre, Noklak nem guitar ana aser active speaker ka agüja liasü.

Item oset ya TaFMA chairman Theja Meru ajanga Founder and Managing Director, The Miraculum Society Nagaland, Vikuonuo Sachü nem amokja liasü.

Item musical instruments ya Bangalore nungi Susmita Mohanty aser Sid nati tenlaba lir,

aser tena yagi nisung takum temaba jenjangi ajungkettsü aser melenshitsütsü asoshi kentenmenü tashi nung amanger. Parnoki yariba ajanga linük tesem balala nungi arua TaFMA indang mission yarir tali akumba sayur.

"Music4All" sentong ya Nagaland nung musical education aser resources tsüngta apu latsütsü meranger. Sentong balala ajanga TaFMA yagi tanur aser lanurtem pei sempet bushitetba nung maongka agütsür.

The Miraculum Society Nagaland- Creative Children's Friendship Centre, Noklak ya

grassroots organization ka lir, aser parnoki shisaliok, creative expression aser nüburtem shilem agidakja tajemzükba jenjang nung aliba tanurtem nem maongka agütsütsü nükjidong nung inyaker.

Creative Children's Friendship Centre ajanga kaketshir 150 dak tema nem 'academic, artistic aser emotional' tsütsü aintsü asoshi tesem ka agütsür.

Taoba Miss Nagaland aser Miss Kohima, Vikuonuo Sachü lenisüba kübok iba Centre ya yimdak-yimtsüng nung aliba tanurtem asoshi teimla agütsür amai lir.

Wokha nung CCTV cameras aser breath analyzer meshitetogo



Dimapur, Rongchii/April 17 (TYO): CCTV cameras inokba aser breath analyzers meshitetba sentong ka April 17, 2025 nü Police Station, Wokha indang Control Room nung agia liasü.

Iba sentong nung Deputy Commissioner, Wokha, Vineet Kumar, IAS; Superintendent of Police, Wokha, M. Rhovisie Nyuwi, IPS aser Road Safety Committee Wokha nung züngsemtem den danga ketdangsürtem dena liasü.

Sentong tenzüka Deputy Commissioner, Vineet Kumar-i jembidang, Road Safety Committee Wokha ajanga mapa tajung inyakba atema tenüngsang agütsü aser Transport Department-i osettsüset alitsü atema

senotsü teyari agütsüba atema pelaba lemsatepa liasü.

Pai enforcement agencies dang item hadir tim yimya nung amshitsü, talisa jila telungzük nung ozüng alema inyaksangshiba mittsü aser azüoktsü atema ayongzüka liasü.

Yi jemer gari aniba putettsü asoshi breath analyzers amshitsü kanga tongtipang aser ibaji ajanga gari lendong nungi kumzükba mera nung shilem agir, ta pai ashi.

Superintendent of Police ajanga jembidang Deputy Commissioner-i anir mapa tajung inyakba aser maneni yariba atema pelaba lemsatepa liasü.

Traffic ozüng tashi taitba

aser tajungba akumtsü asoshi iba sentong ya kanga tongtipang lir, ta pai ashi aser enforcement agencies aser sendaktepa aliba department tem dang bendanga agütsür item hadir tajungtiba nung amshitsü ayongzüka liasü.

Sentong nung SDO (Civil) Wokha, Nuhuta Tunyi menden liasü aser pai CCTV cameras indokba indang inyakyim tejangja lemsatepa liasü.

Jila nung tongtipang tesemtem nung camera pongu inoka lir aser ano 15 inoktsü sentong lir, ta pai ashi.

Item ya temesepba mozü aser yi achi-ajemba, gari lendong nungi kumzüktsü nükjidong nung inokba lir, koba ajanga nüburtem ajangzüktsü, ta ashi.

State nung maneni anogo ishika tzünglu arutsü: NSDMA

Dimapur, Rongchii/April 17 (TYO): State kübok district ajunga amai nung April 24, 2025 tashi tzünglu terara arutsü, ta Nagaland State Disaster Management Authority (NSDMA) sangdong ka ajanga ashi.

Item tzünglu den tesem kar nung tsüngi-tsüngperet dener arutsü akok. Tuensang district nungho April 20 aser 21, 2025 anogotem tzünglu kanga sashia arutsü, ta ashi.

Anungji iba mapang tsüngi aiba aser mopung tesashi nungi jenbua alitsü mera agitsüla, koba ajanga osangtsüsang agiba aser tesendaktep lenmang balala nung timtem ajurutsü akok, ta ashi.

Tenemlen tzünglu kanga sashia arutsü aliba ajanga State indang lenden aser foothill districts, talisa, Dimapur, Nuiland, Chümoukedima, Bhandari, Baghty, Tizit aser Tuli amala tesemtem nung tziü metsüngtsü aser ajungben tzümetsüng adoktsü akok.

Anungji NSDMA, Home Department ajanga nüburtem dang ajungben koda masüba lendong timtem balala nungi jenbua alitsü ajungshir. Iba den District Disaster Management Authorities aser sendaktepa aliba departments ajunga dang saksalema alitsü ayongzüker, ta NSDMA sangdong ajangasa ashi.

Kohima nung Silk Samagra 2 kübok osettsüset lema agütsü

Dimapur, Rongchii/April 17 (TYO): District Sericulture Office, Kohima ajanga April 17, 2025 nü par office nung Silk Samagra 2 scheme kübok brush cutters aser farm tools lema agütsüba sentong ka ayongzüka liasü.

Iba sentong Director,

Sericulture Department, Sanjay Rai-i moatsü aser teshimtet nisungtem nemo set ya lema agüja liasü.

Sericulture farmers nem hadir tajung agüja parnok maparen nung tajangzük tali ngudaktsütsü nükjidong nung iba sentong ya ayongzüka liasü.

Pungro nung May 1 nungi tenzüka SUP nokdangtsü

Dimapur, Rongchii/April 17 (TYO): Office of the Commissioner, Nagaland aser Urban Development Department ajanga totuyuba agütsüba ama ADC Pungro, James T Khulu Tikhir-i May 1, 2025 nü nungi tenzüka single-use plastic (SUP) kar okshia nokdangtsü metetdaksüogo.

Nokdangba osettem nungya single-use plastic carry bags ajunga (temelem mesüra microns kechi südir süaka) aser litre ka dang tajemba single-use plastic water & soft drink bottles ajunga alitsü.

Iba tenokdangba ya Pungro

Town Council kübok kakat reju, sorkar aser jurila offices densema kija aser entities ajunga, dokan, hotels, restaurants densema commercial establishments, tamangba yimsü dak ajemdaker telok balala adenshiba, industrial units aser banquet halls ajunga nung alitsü, ta sangdong ajanga ashi.

Iba policy tasenba nung aibelener nem temerenshi tulu agütsütsü. Mezüng aibelener dang senchi sen 10,000 achitsü, tanaben aibelener dang senchi sen 20,000 achitsü aser maneni aibelenra permit meyipa meshitsü, ta ashi.

Kiphire nung mi lendong nungi jenbua alitsü sayu



Dimapur, Rongchii/April 17 (TYO): Fire Service Week 2025 tenzüker anogo pezünü buba nung Live fire safety demonstration sentong ka Deluxe Point, Kiphire nung April 17, 2025 nü ayongzüka liasü.

Iba sentong nung OC Tsarose Sangtam-i nüburtem nem mi lendong nungi kumzüka alitsüba, talisa kidang sorochoikdak aser electrical fire nung rangloker awareness agütsütsü tongtipang ta ashi.

Pai nüburtem dang pei kidang, offices aser dokan nung fire safety equipment inoka ayutsü ajungshia liasü, 2022 küm survey agiba

mapang Kiphire Town nung sorkar indang offices, mozüki, school, tekülem kidang, shishilempadak tesemtem aser jurila kidang mi lendong nungi kumzüktsü asoshi nüngdakba osettsüset inoka maliba ngutet, ta Sangtam-i ashi.

Pai Nagaland Fire & Emergency Service Act mapa kuma inyaktsü lemsatep aser nüburtem dang mi lendong nungi jenbua aliba nung temulung agütsütsü ajungshia liasü.

Iba sülen mi remsepba yimya sayua aser sentong nung adener dang fire extinguishers amshiba yimyatam sayua liasü.



National Herald ken o dak sendakba nung ED-i Congress lenirtem- Sonia Gandhi aser Rahul Gandhi na anema ken o benokba sülen Brihostibarnü Ahmadabad nung BJP pusemertemi Congress lenirtem anema longkak aitba noksa nung angur.

Waqf Act dak sendakba nung SC-i Centre dang telangzüba meshir

New Delhi, Rongchii/April 17 (Agencies): Brihostibarnü Supreme Court-i Centre sorkar dang Waqf (Amendment) Act, 2025 anema temepishiba ken otem agüja aliba dak sendakba nung anogo tenet tsüngda telangzüba agüjang, ta tuyuogo. Chief Justice Sanjiv Khanna den Justice ana- Sanjay Kumar aser K V Viswanathan nungeri akümbe bench-isa Centre tenüng nung ken o jembir, Solicitor General Tushar Mehta dang, iba mapang tashi nungji central Waqf council aser boards nung shinga meshimtsüla, ta tuyu. Maneni May 5 nü iba ken o angadangtsü.

Chief Justice of India-i, taoba mapang aliba 1995 Act kübok waqf kiojen registration agia lira item kiojenji May 5 tashi nung 'denotify' mesütettsü, ta metetdaksü. Waqf ozüing tasenba anema ken o benoka aliba dak sendakba nung telangzüba agütsütsü atema Mehta-i hopta ka mapang meshiba ama SC-i anogo tenet agütsü. Supreme Court bench-i, Waqf Act dak sendakba nung temepishiba ken o ajak angadangtsüji tamakoktsü; court-i item ama temepishiba ken oji pongu dang angadangtsütsü, ta metetdaksüogo.

Union aser states aser waqf boards-i anogo tenet tsüngda telangzüba agütsütsü. Temepishiba ken o agütsürtemi bench dang, Centre sorkari telangzüba agütsüba sülen onoki anogo pongu tsüngda lepa telangzüba agütsütettsü, ta metetdaksü. Ken o angadamba mapang nung court-i, tamalen court obendang ajanga waqf kiojentem sangdonga alibaji ozüing tasenba kübok magila akümstsü, ta metetdaksü. Court-isa Central Waqf Council nung Muslim nunger masüba nisungtem majority züngsem ama züngshiba ashishia liasü.

Chhattisgarh nung Maoists telungpur 22 apu

Raipur, Rongjui/April 17 (Agencies): Chhattisgarh state kübok Bijapur district nung tesem balala nungi Maoists telungpur 22 apu aser parnok ket nungi tapoktsü oset aika puogo, ta Brihostibarnü police-i metetdaksü. Mongolbarnü Tekmetla yim anasa arem nung CoBRA (Commando Battalion for Resolute Action- an elite unit CRPF) aser police-i Maoists 7 apu, Kandakarka yim anasa arem nung Maoists 9 aser Belchar yim anasa trok apu, ta police-i metetdaksü. Parnok ket nungjagi tiffin

bomb, gelatin sticks, detonators, electric wires, batteries aser Maoist pamphlets apu. Maoists telungpurtemji arrshi küm 19 nungi 45 tsüngdapurtem liasü, ta police ketdangserisa metetdaksü. Union Home Minister Amit Shah-i, Centre aser Chhattisgarh sorkar nati senteper March 31, 2026 anogo tashi nungbosa Maoists telungpurtem meshimeshia samatsütsü nükjidong yur inyaker, ta metetdaksüogo. Shah-i, Chhattisgarh nung Maoists tebilemstsü samatsütetra linük tesem

ajaklen iba tebilemstsü samatsütettsü, ta ashi. Tamalen pai, "Tesüiba küm ka tsüngda Chhattisgarh police-i Maoists telungpurtem anema rara tajung raraogo. State nung Maoists 287 tepset, 1,000 apu aser 837-i pei sasa 'surrender' süogo," ta metetdakja liasü. Tesüiba küm 40 tsüngda tang mezüing Maoists dak sendakba rara nung civilian aser security sepaitem asüba 100 den tajemba kümogo; tesüiba küm 10 tsüngda Ato kilonser Narendra Modi lenisüba kübok Maoists telungpurtem junga nokdangtetdar.



April 17, 2025 nü Bengaluru nung Karnataka Chief Minister Siddaramaiah, Deputy CM, DK Shivakumar aser state AICC in-charge Randeep Surjewala nungeri Centre sorkari totzü aser LPG cylinder jenjang atuba anema longkak aitba noksa nung angur.

Bill agizüktsü atema Judiciary-i mapang agütsütsü makok: Jagdeep Dhankhar

New Delhi, April 17 (Agencies): Tawa Supreme Court obendang ka ajanga bill tem atema telemtetba agütsü asoshi linük Tir nem mapang latettsüba ashishia Brihostibarnü linük tatong Tir, Jagdeep Dhankhar-i, democracy linük nung judge temi ozüing yanglutsü, Executive mapa inyaksü aser Parliament tashi amshitsü atema India-i melatet, ta metetdaksü. Taoba hopta Supreme Court-i, Tiri bill tem agizüktsü atema ita asem tsüngda telemtetba agütsüla, ta metetdakja liasü. Dhankar-i, "Tawa obendang ka ajanga Tir nem tetuyuba agüja lir. Asenok koleni aoer? Iba linük nung kechi ataloker? Asenoki kanga kümdanga inyaksüla. Iba ya kari reprangshiba mesüra mereprangshiba indang masü," ta ashi. Rajya Sabha interns telok ka den jembidang Dhankar-i,

"Anungji ozüing yanglutsü, executive mapa inyaksü aser Parliament züngsem ama inyaksüsa asenok judge tem lir," ta ashi. Dhankhar-i, "Iba ya shisabulutsüsa lir, aser ni kü akümli mapang nung iba ya kuli süa angutsü ta bilema maliasü," ta ashi. Paisa, "India Tir ka mendenji kanga temaba jenjang nung lir. Linük temzüing wazüka ayutsü, aser kümzüksü atema Tiri tenangzüka agir," ta ashi. Paisa, minister tem, tatong Tir, MP tem aser judge temia linük temzüing kübok inyaksü atema tenangzüka agir, ta ashi. "India Tir ka nem tetuyuba agütsütsüsa malitsüla, aser kechi nung ajemdaker tetuyuba agütsütsü? Linük temzüing kübok nenok (judiciary) nem temeden agüja alibaji Arrla 145(30 kübok linük temzüing ratettsütsü atema dang lir. Iba atemaji judge pongu mesüra iba dang nungjagi tali alitsüla," ta tatong Tirisa metetdaksü.


Missionary Graham Staines tepsetba ken o nung aija alir Mahendra chiokogo



Abelen missionary (asür) Graham Staines aser ajichilen noksa nung Mahendra Hembram jail nungi chiokba sülen tangokba noksa nung angur.

New Delhi, April 17 (Agencies): 1999 küm January ita nung Odisha state nung Australia nunger Khristan missionary Graham Staines den par jabaso ana gari telung nung rongseta südaktsüba ken o nung aija alir, Mahendra Hembram chiokogo. Odisha nung aliba Keonjhar jail nung küm 25 tashi puokba sülen pa dak yimya tajung ajitetba kuli nung ajemdaker April 16 nü pa chiokogo. 1999 küm missionary, Graham Staines den pa jabaso ana rongseta südaktsüba mapang nung Hembram arrshi küm 25 dang liasü. Dara Singh leniba nung telok kati Graham Staines den par jabaso ana - arrshi küm 11 Philip aser arrshi küm 8 Timothy nunger rongseta südaktsüba nung Hembram-a densema liasü. January 22 ayaterm nung missionary den par jabaso ana Keonjhar district kübok Manoharpur yimdak gari telung nung amoi oa lia gari nungji mi senoktsü. 1999 nungi 2000 küm tashi nung iba ken o dak sendakba

nung nisung 51 pua liasü aser mezüing ken o angadamba mapang nung parnok 37 bo maittsü chiok. Dara Singh aser Hembram na densema nisung 14 Central Bureau of Investigation (CBI) court-i aija liasü. Tesülen Orissa High Court-i ano nisung 11 maittsü chiok. Hembram ya tangbo arrshi küm 50 jungogo. Odisha State Sentence Review Board aser jail ketdangsertemi jail nung pa dak yimya tajung reprangtetba kuli nung ajemdaker pa chioktsü benoka liasü. Justices Manoj Misra aser K.V. Viswanathan nati akümbe bench-i aija alir temepishiba ken o dak sendakba nung telemtetba agütsü atema state sorkar nem hopta trok mapang agütsü, aser iba report ji Supreme Court nem agüjang, ta tuyua liasü. Osang angazükba agi, arrshi küm 61 Dara Singh-i pa küm 24 tashi tepuokdak yuogo aser pa lanur asüba mapang nung pai tejashi nung inyakba mapa atema pai kanga sasar, ta temepishiba nungji metetdakja lir.



**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazüngerü angateta aqitsü mepishir**

Discipleship Bible College pur 42buba convocation sentong agi



April 16, 2025 nü Discipleship Bible College (DBC), Dimapur nung 42buba convocation sentong tembangba sülen tongti o jembir, tesayurtem aser graduate asüba laishirtem tangokba noksa nung angur.

Dimapur, Rongchii/April 17, 2025 (TYO): Bodhbarnü Discipleship Bible College (DBC), Dimapur nung 42buba convocation sentong ayongzüka agiogo.

Iba sentong nung Master of Divinity renemer laishir 49, Bachelor of Theology renemer 56 aser Doctor of Ministry renemer ka nem certificates aser awards agütsü.

Iba dak alia college nungsa laishir 9-i Master of Divinity (Distance Education) program renemogo. M.Div. aser B.Th program renemer laishir 10 nem degrees agütsü aser laishir 8 nem academic book sempet agütsüogo.

Iba sentong nung tetushi tejaoker aser tongti o jembirji Chakhesang Baptist Church, Dimapur nung senior pastor Rev. Dr P Bonny Resii liasü.

"Tsüngremer tajaba" onük jembidang Dr P Bonnuy-i Yonah otsü nung ajemdaker Tsüngrem temeim aser tekümtet indang jembir.

Paisa, Tsüngremer tajabaji tapu asem lir aser itemji-tekümtet atema tajaba, tenzüksü atema tajaba aser renema alitsü atema tajaba lir, ta ashi.

"Tekümtet atema tajabaji temenen nungi pilatsü aser alima nung temelenshi ajanga tatem maka taküm ajangzüka lir. Tanabuba nung, tenzüksü atema tajabaji Tsüngrem tenzüka wadang nung tongti shilem agiba lir. Item tajaba ataloktsütsü atema Tsüngremi nüngdakba sempettem, hadirtem aser resources agütsür," ta pai ashi.

Dr P Bonny-isa tamangertemi maneni tatok meshitsü aser tanela jenjang maneni asadanga alitsü nüngdak, ta ayongzü.

Graduate asür laishirtem dang pai, tenzüka wadang nung nokdakbaji akhümket ka dang masü saka tenzüksü atema meranga inyaksüla, aria bilemba temeim alitsüla aser nüburtem den mapang ajak nung sendaktepa alitsüla, ta ashi.

Paisa Arogo danga pastor tem aser lenirtemji tanela nung dang masü saka rongsen agia nungita yaritsüla, kechiyong tenzüka wadangji Arogo aser tenzükertem na tsüngda amalitepa inyakba wadang ka lir, ta ashi.

Academic dean den principal aser board chairman nung ketdangsüba nung laishirtem nem awards aser certificates lema agütsü, tongti o jembirji laishirtem atema sarasademtsü aser DBC choir-i ken ka tena liasü.

Sentong tetenzüklen Associate professor Dr Imna Imchen-i sarasadem aser DBC acting principal aser associate professor Dr Narola Walling-i lokti pelaa agizükba o jembia liasü.

Kasa sentong nungsa Associate professor Dr Teka-i Tejen Lai nungi aser Associate professor Esther S Jami-i Tasen Lai nungi lai tekong kar azü.

Sentong tembanga Associate professor Rev. Apok Jamir-i sarasadema liasü.

ANOGO ABEN TSÜNGREM DEN

Taküm Tenla

Aser Yisui ola tulu agi ayimtener külen, Pai ashi, Oba, ne ket nung ni kü nela agütsür.

- Luke 23:46.

Abrahami par chir Isak tenla agütsübaji "tekülemba" ta amshi (Lipok 22:2,5). Khristai pei sasa tenla agütsübaji alima nung tenla tulutiba lir. Kodang Yisui Pa tanela Tebu nem bendanga agütsü, kotak aser ali Tsüngremi iba tekülemji agizük. Iba indang Tsüngrem chiri Pa tepila O nung ashi, "Tenla aser tenlaba nai maginer, saka ni asoshi nai renemogo." (Ibri 10:5-7).

Asen temang taküm aliba tenla ka magütsüra Tsüngrem aliba tenla ka magütsüra Tsüngrem tsüngdang tenlaji teronem aketba tenla masü (Rom 12:1). Yisu asüba ajanga asenok dang sayuba tangazükba korangji ibai lir (Ef. 5:1,2). Ano tanga tekülemi asenok Tsüngrem alidak tonga manir. Kodang Yisui pei taküm tenla agütsü taindangba sü ali nungi azük tashi ana küma shima (Lk. 23:46). Temeshitiba taktang joko meshibang! Tsüngrem nem asen taküm tenla ka ama agütsüba tetezü alima mapa memeshiba mapai asenok mesüzükdang masü ta songtemba lir (Rom 6:13,19). Ibai tebenja ajanga aoba lir. Laishibai asenok dang pei sasa temenen nung asü aser Khrista nung taküm alir ta züngshiang (Rom 6:11). Iba yagi anogo shia tajung kümdaktsür- Deobar tajung, Hombar tajung... Good Friday, Good Saturday!

Yisu tasü nungi shia arur mezüngbuba nütsüngtem dang ashiba oji, "Ajak junga liang" (Mathi 28:9). Parnoki Pa tsüngdang apudaka Pa külem.

Mary Magdalene-i atsüki inyaker kati jembir ta bilem. Saka kodang Yisui "Mary" ta aja lai Yisu ta ajitet aser tepela agi, "Rabboni" ta ayimten (Yn. 20:15-17) temeim sayu.

Kodang Yisui Thoma dang Pa tarak sayu, pai ayimten, "Kü Kibur, kü Tsüngrem" süngmangba sayu.

Kü teka, kü tetsüng agiang aser nai mulungba nung arakzüdakjang.

Taoba mapang commando, pastor Kim Shin-jo alima nungi pilaogo



Kim Shin-jo

April 17, 2025: Taoba mapang North Korea nung sepai aser South Korea Tir tepsettsü merangsang aser tesülen pastor akümsang, Kim Shin-jo alima nungi pilaogo.

Pastor Kim Shin-jo South Korea yimtiba, Seoul nung aliba nursing hospital ka ita ana shi monga aruba sülen April 9 nü süogo; pa arrshi küm 82 liasü.

1968 küm Kim densema North Korean commando unit kati South Korea Tir ki, Blue House amaktsü aser Tir tepsettsü meranga liasü. Iba mapang nungji Seoul yimti nung commando unit nungjagi aika khaset saka Kim bo taküm apu.

Pa apuba sülen pai Khristan yimsü agizük aser tesülen South Korea nung pastor

inyaka aru. Pai talisa tai atoktsü aser yimjung yanglutsü atema sayutsüngia aruogo.

Kim ya 1942 küm tzüyimkümlen aliba Chongjin yimti nung kanga sensaker kibong ka nung aso. 1945 küm Japan nung yimsüsüba nungi Korea nüchiso anguba sülen taoba mapang USSR sepaitemi north Korea atsünga liasü aser 1948 küm North Korea-a linük ka aküm.

Kim high school azünga sülen army nung tenzüka alidang sorkari pa elite special forces unit nung shim. Kim Il-sung yimsüsüba kübok communist party-i South Korea aser North Korea na longjemtsü atema special forces unit nem mission balala lezmükja liasü.

1968 küm iba unit jagi January 21 nü South Korea Tir tepsettsü sentong yanglua liasü. Iba anogo nungji Kim densema commando 31-i Tir, Park Chung Hee tepsettsü atema Blue House-i aoba mapang nungji South Korea nung sepaitemi parnok dak injang khaloktsü. South Korea sepaitem jagi North Korea nungi special forces unit nungjagi commando 29 khaset, ka North Korea-i jena otet aser Kim bo taküm apu.

Osangbenertem senden nung jembidang Kim-i, "Tir Park terok rangdangtsütsü atema ni yagi aru" ta sangdonga liasü.

Paisa, "Ni civilian dak injang mekhaloktsü. South Korea nung tepsettsü atema ni yagi aruba masü saka South Korea Tir tepsettsü atema tetuyuba agütsüba ama ni tashi angaa inyakba dang," ta metetdakja liasü.

South Korea ketdangsertemi pa mapang talangka pua ayu, ajisüaka Blue House amakba mapang nung pai nisung shinga metepset ta jangjaba den külemi pai North Korea nung

tangatetba nungi pilar, ta nangzüka sülen pa chioka liasü.

Kim-i North Korea tangatetba toktsüba ajanga North Korea nung ketdangsertemi par kibong züngsemtembo tepseta liasü.

1970 küm Kim-i South Korea senso agizük aser pai taküm melenshir alitsü melungteta liasü.

"Ni shiba? Ni kechiba alimai aru? Ni kechi atema taküm alir?, ta ni shisadang tenzüka liasü" ta pai metetdaktsü.

Pai pa taküm otsü züluba kaket 'I Speak of My Sorrowful History' 1994 küm sayaa liasü.

Kasa küm nungji pa Choi Jeong-hwa den kibong aküm.

1981 küm pa Seoul nung aliba Sungrak Church nung baptia liasü. Iba mapang nungji pai, "Tir tepsettsü atema ni yagi aru, ajisüaka Tsüngremi ni kümzük," ta ashi.

Kim North Korea nung azünga mapang nung Communist tesayuba nung inteta liasü, ajisüaka pai Khrista agizükba sülen ang taküm ka akhümket jenjang angateta liasü.

1989 küm Kim-i 'Christian

Fellowship of Defectors' tenteta liasü. Iba ministry yagi North Korea nungi jena arurtem jenokdaktsür, anepalur, counseling agütsür aser tanela chiyungtsü agütsür.

Pai mapang shia North Korea nungi jena aruba lanurtem atema sarasadem sentong ayongzüka agiba den külemi Bible studies agütsü.

South Korea tesem balala nung Kim-i linük security aser Korea longjemtsü atema 3,000 ben dak tali jembia liasü.

Pai Khrista osangtajung sayutsüngiba den külemi Communist shisaliok anema jembir aser North Korea nung pa lia aruba taküm kulitem lemsatepa liasü.

1980s mapang nungi North Korea-i pa taküm aiben amokmerena aruogo.

Blue House amakba sülen küm 29 ajungba anogomong-1997 küm January 21 nü Kim ordain asüba sülen Sungnak Sambong Church nung pastor inyak. Pai pa baptisüba Arogo-Sungrak Church nunga pastor inyakogo.

Kim-i pa kinüngtsü, Choi den jala ka aser jabaso ka na toktsür asü.

TETUSHI AGÜTSÜR



Kr. Moabenla Longkumer,
(D/o Wt. Imtinaro & Wb. Repachiba Longsa), MBA (Master of Business Administration), NU LUMAMI nungi GOLD MEDAL jenjang tongtetba asoshi ozü Longkumer (Senpu Kin) Longsa ajanga Tsüngrem tenüng asanger aser jala nem tenüngsang tulu agütsür.
Tsüngremi jala wadang tarutsü anogotem nunga temoatsü nung aniangma.

Sdl-
Wb Imtinungsang Longkumer
Secretary, Senpu Kin Longsa

ALI AYOKER

At Kushiabill, Dimapur.
PLOT AVAILABLE AS PER BUDGET
Rate : Rs. 265/- per Sq.ft (Negotiable)

- **Contact No -**
9612242850
9615777083

ALI TAYOKTSÜ LIR

1. 3 Pura. Foothill road tangshia 150 per sq.ft
2. Foothill anasa teak lu, 120 per sq.ft
3. Showuba fly over anasa 190 / 250 / 310 per sq.ft
~ **Contact : 9863826159**

ALI TAYOKTSÜ LIR

Aoyimti road touch, Highway nungi feet 500 yir. (left side)
@ 730/- Per sqft.
Contact: 6009905256

Russia-i Dnipro yimti amak; tanur ka densema nisung 3 tepset

Kyiv, Rongchii/April 17 (Agencies): Russia-i drone aika amshia Ukraine kübok Dnipro yimti amakba sülen tetsür chanu ka densema nisung asem tepsetogo, ta regional governor-i metetdaksü.

United States, Europe aser Ukraine nunger Paris nung iba rara indang sensak asemtsü ghonda ishika lia iba yimti maka liasü.

Dnipropetrovsk Governor Serhiy Lysak-i ashiba agi, Bodhbar aonung menor yimti kübok tesem balala amakba mapang nisung aika yirutsüogo aser tesem aika nung mi adokdaksüba den apartment building ka raksaja liasü.

Kakethirtem aliba ki ka, educational institution ka aser food processing plant ka raksaja liasü, ta Dnipro Mayor Borys Filatov-i shisem.

Online nung lemsatempa noksatem ajanga, emergency crew tem aonung sangwa

mapa inyakba mapang tesem balala nung mi adokba, gari rongsar aliba aser kitem nung kichiba raksa aliba nguogo.

Yirur alirtem rongnung parnok 16 bo mozükidang lir aser parnok rongnung kabo kanga mejungi yirur lir.

"Civilian tem maka aruba rongnung iba ya tatemsabuba lir," ta Al Jazeera osangbener Zein Basravi-i Kyiv nungi ashi.

Kasa mapang nung linük northeast len Izyum jila nung Russia-i missile ka khaloktsüba sülen nisung ana yiruogo, ta regional governor Oleh Syniehubov-i ashi.

Russia-i ashiba agi, parnoki manger mesangwa tsüngda Ukraine-i yokba drone 71 khazüka yokogo. Drone tem ya timba Kursk tesem nung khadanga liasü. Russia nunger ketdangsürtemisa, Kyiv-i Moscow anütoklen Shuya jila drone amshia amak, ajisüaka nisung asüba osangbo kecha mali, ta ashi.

Gaza nung ya-tzüra ya hadir ama amshiba atema Israel aitsü

Gaza City, Rongchii/April 17 (Agencies): Israel-i ya-tzüra ya rara nung hadir ka ama amshiba atema Hamas-i parnok aitsüogo. Israel defence minister-i, Gaza-i teyari kecha meyoktsü ta tenangzükba agütsüba sülen anogo ka lir Hamas-i parnok aitsüogo.

March 2 nü nungi Palestine nunger aliba litsü yagi teyaritem kecha bener meidaksür. Iba sülen Israel-i ceasefire benoka aliba raksar March 18 nü nungi anüng aser ali ajanga Gaza amak tenzüka liasü.

Bodhbarnü Israeli Defense Minister Israel Katz-i, tenokdangba agütsüba ya Hamas nem pressure agütsüba tongtiba lir, ta ashiba den UN-i Gaza nung malnutrition jenjang tamajungba küma aoba tekümdangtsü metetdakjaka iba ya agintsü kecha sentong mali ta shiogo.

Iba dak sendakba nung Hamas-i, Katz-i jembizüka yokba olen ya yimjak nung rara nung aibelen menaba nangzükba lir, ta ashi.

Israel-i, civilian tem nem chiyongtsü, mozü, tzü, totzü amala tenüngdakba osettem joko hopta tenetbuba atonga magütsür," ta iba telok yagi Brehostibarnü Telegram ajanga ashi.

"Gaza Strip nokdanga yur ya-tzür tali kümdaktsüba ya nokdangtsü atema jenjang agitsü asoshi onoki alima kitem ayongzükshir," ta parnokisa shisem.

2024 küm March ita United Nations' International Court of Justice-i, Israel-i chiyongtsü, tzü, totzü aser mozü amala tenüngdang teyaritembo Gaza-i bener idaktsütsü atema

temelaba agütsütsüla ta shiogo. Ajisüaka Israel-i iba tetuyuba sülen manidaker aser ashiba agi, iba teyari ya Hamas puri mashiyim amshir.

Israel indang Kan broadcaster, sangdong ka ajanga ashiba agi, Gaza nug anunga aliba chiyontsü ya ita ka nung chimatsü.

Israel army-i Hamas ket metongdaksüi teyari agütsütsü atema lenmang bushidar, kong Israel nunger sepaitemi azioker aliba tesemtem nung international organization temi achaayangba "stationary aid centres" tem amenoktsü benokba densema lir, ta Kan-i ashi.

Al Jazeera osangbener Nour Odeh-i Amman nungi ashiba agi, UN agency tem nung source temi la dang ashiba agi, Israel-i teyari agizüktsüpur ya jelia agizüker ataner.

Somalia sorkari anüng ajanga jihadists tem amak

Mogadishu, Rongchii/April 17 (Agencies): US aser Somalia na senteper anüng aser ali ajanga tongtibang jila ka aser military base ka amakba mapang Al-Shabaab jihadists aika tepsetogo aser prangbong injang shipment ka raksaja liasü, ta Somalia sorkari Brehostibarnü ashi.

Al-Qaeda den sendaktepa aliba Islamist telok yagi tesem balala maka arudar, kong tir Hassan Sheikh Mohamud indang convoy amakba

densema lir, aser iba ajanga jihadist tem tanaben asüngsashir asütsü ta süoki ia bilemer, shirnok küm ishika tsüngda tashiyim agi atsüngzükdaksür lir.

Al-Shabaab züngsemtemi Somali military commander temi base ama amshiba tongtibang jila ka amakba mapang linük yimtiba Mogadishu nungi north len kilometer 220 pilar Adan Yabaal tesem anüng ajanga maka liasü.

Bodhbar aonung Somali

armed forces aser US Africa Command nati Al-Shabaab-i a m o k m e r e n b a süngjemdaksütsü nükjiong nung tesem balala maka liasü, ta information ministry-i X ajanga metetdaksü.

"Telungpurtemi parnok adenshidak aser tejenokda ama amshiba tesem ka makogo," ta ministry-i ashi.

"Osang ajanga ashiba agi, lenir tejen ka densema telungpur 12 tepsetogo," ta kasa sangdong ajanga metetdaksü.

(Maneni tapak 8 nung...)

GOVERNMENT OF NAGALAND

HOME DEPARTMENT:: POLICE 'B' BRANCH

NO.POL-B/SWR/ESTT/1/2/20(Pt) Dated Kohima, the April' 2025

ADDENDUM

With reference to Government of Nagaland Home Department: Police 'B' Branch, PRESS RELEASE/ ADVERTISEMENT NO.POL-B/SWR/ESTT/1/2/20 (Pt) dated Kohima 20.01.2025; the following Addendum is made:

(1) Serial No.3: Head Assistant, the number of post is increased from 02 (Two) posts to 05 (Five) posts.

(2) Serial No. 8: Office Peon, the number of post is increased from 05(Five) Posts to 06 (Six) Posts

Other terms and conditions of the advertisement remain the same.

(KUKO MERO)
Secretary to the Government of Nagaland

ALL INDIA INSTITUTE OF MEDICAL SCIENCES
EXAMINATION SECTION



ADMISSION NOTICE NO. 133/2025

F.No. AIIMS/7-10/Exam.Sec/(B.Sc-M.Sc-2025)/2025 03.04.2025
All India Institute of Medical Science, New Delhi-i Entrance tatidang (Basic Registration sülen code generation aser iba sülen tatembangbuba züngoksemba) atema temalen shisema aliba course aser teküboklen aliba sechedule asoshi Online application jaoker.

SCHEDULE FOR UNDER-GRADUATE COURSES

Basic Registration (PAAR) for B.Sc. (H) Nursing/B.Sc. Nursing (Post-Basic)/B.Sc. (Paramedical Courses) -2025	Start Date :08.04.2025 Closing Date: 07.05.2025 (05:00 PM)
Generation of Code for Final Registration for B.Sc. (H) Nursing/B.Sc. Nursing (Post-Basic)/B.Sc. (Paramedical courses) -2025 only for those whose Basic Registration is accepted.	Start date: 17.04.2025 Closing date: 15.05.2025 (05:00 PM)
Final Registration (Payment of fees and city choice) only for those who have Generated Code for FinalRegistration.	Start date: 17.04.2025 Closing date: 15.05.2025 (05:00 PM)

SCHEDULE FOR POST-GRADUATE COURSES

Basic Registration (PAAR) for M.Sc Nursing/M. Biotechnology/M.Sc Courses -2025	Start Date :08.04.2025 Closing Date: 07.05.2025 (05:00 PM)
Generation of Code for Final Registration for M.Sc Nursing/M. Biotechnology/M.Sc Courses-2025 only for those whose Basic Registration is accepted.	Start date: 17.04.2025 Closing date: 15.05.2025 (05:00 PM)
Final Registration (Payment of fees and city choice) only for those who have Generated Code for Final Registration.	Start date: 17.04.2025 Closing date: 15.05.2025 (05:00 PM)

Applicant ajak dang www.aiimsexam.ac.in website mapang shia semdangtsü metetdaksür, kechiyong Corrigendum/Addendum/Update ajak Website nung upload sütsütsü.

CBC 17112/12/0004/2526

ASSISTANT CONTROLLER (EXAMS.)

ALL INDIA INSTITUTE OF MEDICAL SCIENCES
ANSARI NAGAR, NEW DELHI - 110029



Admission Notice No. 56/2025

No.F.AIIMS/Exam.Sec./4-12/(INI-SS-JULY-25)/2025 Dated: 09th April 2025

INI-SS Entrance Test for Admission in DM/M.Ch Courses for AIIMS, PGIMER, NIMHANS, SCTIMST & JIPMER for July-2025 session

All India Institute of Medical Science, New Delhi-i, **July 2025** session atema AIIMS New Delhi tanga **AIIMS, NIMHANS,JIPMER aser SCTIMST nung post-Doctoral (DM/M.Ch. (3 year) Courses** asoshi **Entrance tatidang** atema online application tem jaoker.

Online Registration for application

Courses	Institutions	Opens on	Closes on
DM/M.Ch.(3 year)	AIIMS - New Delhi & other AIIMS, PGIMER, NIMHANS, JIPMER and SCTIMST	22.04.2025	06.05.2025 at 5:00 PM

Tongtibang: Prospectus, osang tejangja atema www.aiimsexams.ac.in website semdangang. Applicant ajak dang iba website ya mapangshia semdangtsü mepeshir,kechiyong Corrigendum/Addendum/Update ajak Website nung upload sütsütsü.

CBC 17112/12/0005/2526

ASSISTANT CONTROLLER (EXAMS)

1st NE Little Masters Trophy atema Nagaland team sangdongogo



Dimapur, Rongchii/April 17 (TYO): Ibuba North East Little Masters Trophy 2025 nung shilem agitsü atema Nagaland Cricket Association-i U14 boys' team sangdongogo. Iba asayamung ya Guwahati, Assam nung April 19 nungi 30 tashi asayatsü.

Men's Selection Sub-Committee tetuyuba dak ajemdaker teküboklen agüja aliba asayartem ya iba tetushi inter-state asayamung nung Nagaland tenüing nungi asayatsü shimogo.

Asayartem:

1. Vivotuo Rupreo
2. Eric Rupreo

3. Kitovi Sema
4. Imtilong Longchar
5. Kingsangthvu Thüvüri
6. Yuhumba
7. Sangtsulen Tshunherü
8. Kavito T. Assumi
9. Chubasunep
10. Imtinok
11. Akash Kumar Gupta
12. Ayan Sheikh
13. Sohan Nabsudra
14. Badal Limbi
15. Saheb Kumar
16. Pukito K
17. Kesoyhun Kent

Support Staff:

- o Vinoto Awomi - Team Manager
- o Talikaba - Coach

o Kechisen Keppen - Coach
o Lanumongla Jamir - Strength & Conditioning Coach
o Duvo Ruho - Physio
Iba asayamung ya Assam Cricket Association-i ayongzükogo aser asayamung nung North East state ti nungi U14 team temi shilem agitsü. Arunachal Pradesh, Assam, Manipur, Meghalaya, Mizoram, Nagaland, Sikkim aser Tripura nungi asayartemi iba asayamung nung shilem agitsü. Asayatem ya ACA CA Ground, Fulung aser Annexe Ground, ACA Stadium, Guwahati nung asayatsü.

French Open nung Rafael Nadal tushitsü



Rongchii/April 17, 2025 (Agencies): French Open 14 ben tashi koker aliba asayar Rafael Nadal, May 25 nü taküm iba asayamung tenzükba anogo Court Philippe-Chatrier nung tushitsü.

"Rafa ya French Open puti otsü nung kanga tongtumbang asayar ka lir, aser ibayongji pa tenüing nung sentong ka agitsü," ta French Open director Amelie Mauresmo-i Brehostibarnü ashi. "Onoki iba sentong ya khenyongi balaka südaktsüner. Onoki iba ya ajak atema imla maliba sentong ka südaktsüner."

Grand Slam 22 koker alisang Nadal, shiba taoba küm November ita asaya nungi anena liasü, pa tenüing nung iba clay court Grand Slam indang alley nung kerak yanglu ka lir. Pa tournament museum nung exhibition ka nung adoktsü aser official French Open trailer nunga pa ola agütsütsü.

"Onoki iba tetushi ya taoba küm agütsünüa liasü, saka pai magizüki liasü," ta Mauresmo-i ashi. "Pai pa Roland Garros tatembangbuba asayatsü asü masü mejangjai liasü. Tangbo pa asaya nungi anenogo aser iba

ya agizütsü mulunga lir."

Nadal-i French Open ya 14 ben koka otsü tasen ka yanglur lir. Pa tatensa iba asayamung nung 2024 küm asaya kong pa mezüngbuba round nung Alexander Zverev-i tsükdakja liasü.

"Rafael Nadal aser Roland Garros na piladaktsütsü makok. Onok puti otsü tashitait lir," ta French Tennis Federation tir Gilles Moretton-i ashi. "Amelie küna mapang tatsüka tejakdang pa ajurui ao, kechiyong onoki pa atema langka tongtumbang ka inyaktüner. Taoba küm minyaktetba atema tezüdang terabo lir."

Asayamung ayongertemisa 2024 Paris Olympics takok dak ajemdaker screen tulutem nung asayatem sayua fan zone amenoktsü sentong lir. Central Paris nung Place de la Concorde nung iba fan zone ya amenoktsü kong fan 5,000 tashi asemtsü.

BENDANGLI OSANG :

Tapak 7 nungi...

Somalia sorkari anüing ajanga...

Ministry-isa, anüing ajanga tanabenbuba amakba mapang Somali tzyüim nung wako songa maliba rong ka aser rong tila ka nung al-Shabaab atema prangbong injang aser hadir balala bener oya aliba raksatsü aser rong nung alir ajak tepseta liasü.

Southwest nung Somalia

nunger sepaitemi Brehostibar anepdang züngia lia Baidoa jila temeket nung telungpur 35 tepseta liasü. Telungpurtem yagi iba jila nung army base ka amaktsü merangba sülen iba ya ataloka liasü, ta ministry-isa metetdaktsü.

Somalia sorkari 2022 küm December ita Al-Shabaab ket nungi Adan Yabaal tashiyim

agi rakzüka liasü. Iba sentong asoshi African Union peacekeeping forces-i teyari agüja liasü.

Al-Shabaab pur sorkar den küm 15 rara arudar, saka African Union-i aniba peacekeeping force-i 2022 aser 2023 küm jihadists tem ya nokdangtsü atema teyari agüja liasü.

Van Dijk-i Liverpool den tenangzüktepba yanglushi

Rongchii/April 17, 2025

(Agencies): Liverpool captain Virgil van Dijk-i club nung küm ana atema tenangzüktepba yanglushiogo.

Arishi küm 33 tain centre-back indang taoba contract ya season tatemi tembangtsü liasü.

Ajisüaka pai tenangzüktepba tasen yanglushia tang forward Mohamed Salah den densemogo, shibai taoba hopta küm ana atema tenangzüktepba yanglushia liasü.

"Liverpool nungi dang asayatsü liasü," ta Van Dijk-i ashi, shiba Paris St-Germain-i aotsü atema sendaktepa aruogo.

"Iba indang ni bilema liasü aser Liverpool nung dang adentsü sentong liasü," ta paisa shisem.

Dutch nunger asayar shibai Liverpool nungi 314 ben asayaogo, pa ya 2023 küm Jordan Henderson-i club toktüsüba sülen captain asütsü shima liasü.

"Ozü kibong atema iba tesem ya tapet ta bilema aruogo," ta Van Dijk-isa ashi.

"Ni Liverpool nung shilem ka lir. Kari kü dang adopted Scouser ka ta ja liasü- iba amala anagshiba atema ni kanga pelar.

"Ni kanga nema danga bilemer aser pelar. Ya

jangrademtsüka.

"Iba club nungi ano küm ana asayatsü atema tenangzüktepba yanglushiba atema ni kang pelar," ta paisa shisem.

Van Dijk ya 2018 küm January ita pound million 75 yong Liverpool nung dena liasü.

Iba sülen pai, Liverpool puri Premier League, Champions League, FA Cup, Club World Cup aser EFL Cup anaben akokba nung teyari agüja liasü.

Liverpool manager aser külem Dutch nunger Arne Slot lenisüba nung, Van Dijk ya tongtumbang asayar ka lir aser parnoki English league title 20ben abentsü ana nung lir.

Van Dijk-i March ita ashiba agi, pa Anfield nung maneni asayatsü masayatsü mejangja.

Ajisüaka iba ita tetenzükden pai ashiba agi, tenangzüktepba tasen ka atema club den sensaksem tejakdangi odar.

Salah aser Van Dijk nati tenangzüktepba yanglushiba sülen defender Trent Alexander-Arnold koma asütsü mejangja.

England defender, shiba yiruba ajanga ita ka sülen Bodhbarnü Liverpool training-i aruogo, pa July ita contract tembangtsü aser pa Real Madrid-i aotsü asoshi jembishinütepa arudar.

STATE OSANG :

Tapak 1 nungi...

International University yagi...

Volume 9: Education and the Church in Nagaland; Volume 10: Women in the Church and Christian Movements in Nagaland; Volume 11: Youth, Revivalism, and Contemporary Faith Movements in Nagaland; Volume 12: Christian Ethics and Social Transformation in Nagaland; Volume 13: Christianity and Indigenous Cultural Identity in Nagaland; Volume 14: Political Engagement and the Church in Nagaland; Volume 15: Christian Literature and Media in Nagaland; Volume 16: Christianity and Interfaith Relations in Nagaland; Volume 17: Church and Community Development in Nagaland; Volume 18: Christian Festivals, Rituals, and Life Events in Nagaland; Volume 19: Biographical Dictionary of Naga Christian Leaders; aser Volume 20: Christianity in Nagaland: Challenges and Future Directions densema onük balala awajemtsü.

Lapoker küm 20 liyonga arudang University yagi kodanga Hinduism temaba jenjangi majungket. Onoki graduates tem

entrepreneurship tsütsü anitetsü rangloker inyaka arur aser yamaji aika shishilempaba tsütsü takok tajung anguba lir, ta Pro Chancellor ajanga ashi.

Iba reju nükjidong ya mapa bushirtem adokdaktsüba kisüing masü saka mapa agütsür adokdaktsütsü meranger, kaketshirtem edupreneurs (education nung ranglokbaba), sociopreneurs (addressing social issues), ecopreneurs (working on environmental sustainability), aser sustainopreneurs (integrating both social and environmental goals) kumdaktsütsü ajungshir, ta ashi.

Item entrepreneurial lenmang ya Nagaland state nung shishilempaba ajanga temelenshi bener arudaktsütsü asoshi ajaki inyakba ajanga lungjemdaktsür.

Ano University indang Central Library nung kakat 75,000 dak tema lir, anungi Nagaland nung library tulutiba kumdaktsür. Iba den medemdangra, Nagaland State Library nung kakat 58,000 shi lir aser Nagaland University Central Library nung kakat 44,543 shi lir, ta Dr. Utkarsh Sharma ajangasa ashi.

BIEMDANGANG

"Tanü ya senti mapang; asübo kechi ataloktsü mejangja."